

春秋穀梁傳



民國五年孟冬月

春秋穀梁傳

嘉興碩庶署

掃葉山房代售
山谷書屋藏版

春秋穀梁傳序

晉范甯撰

昔周道衰陵乾綱絕紐禮壞樂崩藝論攸斁弑逆篡盜者國有淫縱破義者比
肩是以妖災因釁而作民俗染化而遷陰陽為之愆度七曜為之盈縮川岳為
之崩竭鬼神為之疵厲故父子之恩缺則小弁之刺作君臣之禮廢則桑扈之
諷興夫婦之道絕則谷風之篇奏骨肉之親離則角弓之怨彰君子之路塞則
白駒之詩賦天垂象見吉凶聖作訓紀成敗欲人君戒慎厥行增脩德政蓋誨
爾諄諄聽我藐藐履霜堅冰所由者漸四夷交侵華戎同貫幽王以暴虐見禍
平王以微弱東遷征伐不由天子之命號令出自權臣之門故兩觀表而臣禮
亡朱干設而君權喪下陵上替僭逼禮極天下蕩蕩王道盡矣孔子觀滄海之
橫流迴喟然而歎曰文王既沒文不在茲乎言文王之道喪興之者在已於是
就大師而正雅頌因魯史而脩春秋列黍離於國風齊王德於邦君所以明其
不能復雅政化不足以被羣后也於時則接乎隱公故因茲以託始該二儀之

化育贊人道之幽變舉得失以彰黜陟明成敗以著勸誡拯積綱以繼三五鼓芳風以扇遊塵一字之褒寵踰華袞之贈片言之貶辱過市朝之撻德之所助雖賤必申義之所抑雖貴必屈故附勢匿非者無所逃其罪潛德獨運者無所隱其名信不易之宏軌百王之通典也先王之道既宏麟感化而來應因事備而終篇故絕筆於斯年成天下之事業定天下之邪正莫善於春秋春秋之傳有三而為經之旨一臧否不同褒貶殊致蓋九流分而微言隱異端作而大義乖左氏以驚拳兵諫為愛君父公納幣為用禮穀梁以衛輒拒父為尊祖不納子糾為內惡公羊以祭仲廢君為行權妾母稱夫人為合正以兵諫為愛君是人主可得而脅也以納幣為用禮是居喪可得而婚也以拒父為尊祖是為子可得而叛也以不納子糾為內惡是仇讎可得而容也以廢君為行權是神器可得而闢也以妾母為夫人是嫡庶可得而齊也若此之類傷教害義不可強通者也凡傳以通經為主經以必當為理夫至當無二而三傳殊說庸得不棄其

所滯擇善而從乎既不俱當則固容俱失若至言幽絕擇善靡從庸得不竝舍以求宗據理以通經乎雖我之所是理未全當安可以得當之難而自絕於希通哉而漢興以來瓌望碩儒各信所習是非紛錯準裁靡定故有父子異同之論石渠分爭之說廢興由於好惡盛衰繼之辯訥斯蓋非通方之至理誠君子之所歎息也左氏豔而富其失也巫穀梁清而婉其失也短公羊辯而裁其失也俗若能富而不巫清而不短裁而不俗則深於其道者也故君子之於春秋沒身而已矣升平之末歲次大梁先君北蕃迴軫頓駕于吳乃帥門生故吏我兄弟子姪妍講六籍次及三傳左氏則有服杜之注公羊則有何嚴之訓釋穀梁傳者雖近十家皆膚淺末學不經師匠辭理典據既無可觀又引左氏公羊以解此傳文義違反斯害也已於是乃商略名例敷陳疑滯博示諸儒同異之說昊天不弔太山其積匍匐基次死亡無日日月逾邁跂及視息乃與二三學士及諸子弟各記所識并言其意業未及終嚴霜夏墜從弟彫落二子泯沒天

實喪予何痛如之今撰諸子之言各記其姓名名曰春秋穀梁傳集解

凡例

一傳中凡恭遇

廟諱

御名及

先師聖諱咸遵

欽定各書例一律缺筆以昭敬謹

一穀梁單注本近代罕覯其見於阮氏校勘記中者惟余仁仲萬卷堂所藏宋槧殘本而已至所稱元本十行本閩監毛各本則皆注疏本也兵燹後購求無自惟乾隆初所刊

武英殿十三經注疏本及阮氏所刊注疏本坊間尚有存者足資攷訂茲刻傳注謹從

殿本錄出而於各本不同處則參以阮氏校勘記之說補正若干條其語涉

兩歧義得並通者仍宗

殿本

一唐陸氏釋文審音既精援引尤覈如一地名此傳作某必兼及公羊作某左氏作某一人名此傳作某必詳載公羊作某左氏作某讀一傳而三傳之異同可瞭如指掌茲刻謹遵

武英殿本附釋文於注下而削其語已出注者以省重複

一漢書藝文志載公穀二家經十一卷傳亦各十一卷蓋經傳初本別編也逮晉范氏併經注之經傳乃合攷范氏原卷係依十二公次第釐為十二唐石經十二卷猶單經也宋槧殘本則經注本亦十二卷茲刻卷數仍從其舊

春秋穀梁傳目錄

卷一

隱公

卷二

桓公

卷三

莊公

卷四

閔公

卷五

僖公

卷六

文公

卷七

宣公

卷八

成公

卷九

襄公

卷十

昭公

卷十一

定公

春秋穀梁傳卷一

晉范甯集解

唐陸德明音義

隱公

○隱公名息姑惠公之子周文王八世孫平王四十九年即位

元年春王正月

隱公之始年周王之正月也杜預曰凡人君即位欲其體元以居正故不言一年一月也○正音征又如字後皆放此雖

無事必舉正月謹始也

謹君即位之始公何以不言即位據文公即位成公志也成隱讓桓之志

馬成之言君之不取為公也

言隱意不取為魯君也公君也上言君下言公互辭○馬於虔反

君之不取為公

何也將以讓桓也讓桓正乎曰不正

隱長桓幼○長丁丈反又作文音同春秋成人之美不成人

之惡隱不正而成之何也將以惡桓也

不明讓者之善則取者之惡不顯○之惡烏各反下註之惡同惡桓烏路反下

其惡桓同

其惡桓何也隱將讓而桓弑之則桓惡矣桓弑而隱讓則隱善矣善則其

不正焉何也

據善無不正○弑申志反又作殺如字後皆同

春秋貴義而不貴惠惠謂私惠信道而不信邪

信申字古今所共用○信音申邪似嗟反下及註皆同

孝子揚父之美不揚父之惡先君之欲與桓非正

也邪也雖然既勝其邪心以與隱矣

終歸之於隱是以正道制邪心已探先君之邪志而遂以

與桓則是成父之惡也凡弟天倫也

凡兄弟後天之倫次○探吐南反

為子受之父為諸侯受

之君

隱為世子親受命於惠公為魯君已受之於天王矣

已廢天倫而忘君父以行小惠曰小道也

弟先於兄

是廢天倫私以讓國是忘君父

若隱者可謂輕千乘之國蹈道則未也

未履居正之道○乘繩證反諸侯之國賦千乘

蹈道上徒報反履行之名也下如字

○三月公及邾儀父盟於昧

邾附庸之國昧魯地○邾音誅國名儀父凡人名字皆音甫後

放此更不重音昧音幾地名左氏作沒註下皆同

及者何內謂志焉爾

內謂儀字也父猶傳也男子之

美稱也

傳師傳附庸之君未王命例稱名善其結信於魯故以字配之○美稱尺證反

其不言邾子何也

據莊十六年邾子卒稱邾

子邾之上古微未爵命於周也

邾自此以上是附庸國○上時掌反

不日其盟渝也

日者所以謹信盟變故不

日七年公伐邾是也○不日人實反不日謂不書日也穀梁皆以日月為例他皆放此渝羊朱反變也

昧地名也○夏五月鄭伯

克段於鄆

段有徒眾攻之為害必深故謹而月之鄆鄭地○鄆音偃地名

克者何能也何能也能殺也何以不

言殺見段之有徒眾也

言鄭伯能殺則邦人不能殺矣知段眾力強盛唯國君能殺之○見賢徧反

段鄭伯弟也何

以知其為弟也殺世子母弟目君以其目君知其為弟也

母弟同母弟也目君謂稱鄭伯

也而弗謂弟公子也而弗謂公子貶之也段失子弟之道矣賤段而甚鄭伯也

賤段謂不稱公子公弟甚鄭伯謂目君也何甚乎鄭伯甚鄭伯之處心積慮成於殺也雍曰段恃寵驕恣彊足當

國鄭伯不能防閑以禮教訓以道縱成其罪終致大辟處心積思志欲殺弟○大辟婢亦反思息吏反于鄆遠也猶曰取之其母之

懷中而殺之云爾甚之也段奔走乃至於鄆去已遠矣鄭伯猶追殺之何以異於探其母懷中赤子而殺之乎君殺大夫例不地甚

鄭伯之殺弟故謹其地然則為鄭伯者宜奈何緩追逸賊親親之道也君親無將將而必誅焉此蓋臣子之

道所犯在己故可以申兄弟之恩○秋七月天王使宰咺來歸惠公仲子之賵宰官咺名仲子

以姓配字明不忘本示不適同姓也妾子為君賵當稱謚成風是也仲子乃孝公時卒故不稱謚賵例時書月以謹其晚○宰咺況阮反注同仲子惠公之母

也與左氏傳同賵母以子氏妾不得體君故以子為氏平王新有幽王之亂遷于成周欲崇禮諸侯仲子早卒無由追賵故因惠

公之喪而仲子者何惠公之母孝公之妾也禮賵人之母則可賵人之妾則不來賵之

可君子以其可辭受之其志不及事也常事不書賵者何也乘馬曰賵衣衾曰襚貝

玉曰含錢財曰賻四馬曰乘含口實○乘繩證反襚音遂含戶暗反又作哈賻音附○九月及宋人盟於宿及

者何內卑者也宋人外卑者也卑者之盟不日卑者謂非卿大夫也凡非卿大夫盟信之與不例不日宿

邑名也○冬十有二月祭伯來○祭側界反來者來朝也其弗謂朝何也襄內諸侯

春秋穀梁傳卷一隱公二婦葉山房石印

非有天子之命不得出會諸侯不正其外交故弗與朝也天子畿內大夫有采地謂之寰內諸侯

朝直遙反寰音縣古縣字一音環一聘弓鏃矢不出竟場束脩之肉不行竟中音患寰內圻內也畿本或作圻音祈

有至尊者不貳之也聘遺所以結二國之好將彼我之意臣當稟命於君無私朝聘之道○鏃音侯又音候竟音境本或作境場音亦遺

唯季反好呼報○公子益師卒大夫日卒正也君之卿佐是謂股肱股肱或虧何痛如之故錄其卒日以

紀恩○日卒人實反下不日卒同肱古宏反不日卒惡也惡故畧之

二年春公會戎於潛凡年首月承於時時承於年文體相接春秋因書王以配之所以見王者上奉時承天而下統正萬國之義然春秋

記事有例時者若事在時例則時而不月月繼事未則月而不書王書王必皆上承春而下屬於月文表年始事莫之先所以致恭而不黷者他皆放此唯桓

有月無王以見不奉王法爾南蠻北狄東夷西戎皆底羌之別種潛魯地會例時○見王賢徧反下同屬章玉反黷徒木反放甫往反後此例不音底丁兮反

本又作氏會者外為主焉爾知者慮察安審危義者行昭者能斷○仁者守聚

種章勇反所歸守必堅有此三者然後可以出會會戎危公也無此三者不可以會而況會戎乎○夏

五月莒人入向例時惡甚則日次惡則月他皆放此○入者內弗受也入無莒音舉向舒亮反惡烏角反並同

苟不以罪則向我邑也魯而言○無佞帥師入極一千五百人為師○佞音義皆不可受故曰我也

入者內弗受也。極國也。謂滅同姓故變滅言入傳例曰滅國有三術中國日卑國月夷狄時極蓋卑國也內謂所入之國非獨魯也

苟焉以入人為志者人亦入之矣。不稱氏者滅同姓貶也。○秋八月庚辰公及

戎盟於唐。傳例曰及者內為志焉爾唐魯地○九月紀履緌來逆女。不親逆則例月重錄之親逆則例時○履緌音須左

氏作裂逆女親者也。親者謂自逆之也使大夫非正也以國氏者為其來交接於我故

君子進之也。傳例曰當國以國氏卑者以國氏進大夫以國氏國氏雖同而義各有當公子公孫篡君代位故去其氏族國氏以表其無禮齊無

知之徒是也。若庶姓微臣雖為大夫不得爵命無代位之嫌既不書其氏族當知某國之臣故國氏以別之。宋萬之倫是也。履緌以名繫國著其奉國重命來

為君逆得接公行禮故以國氏重之。成九年宋不書逆女以其逆者微今書履緌亦足知其非卑者。公羊傳曰春秋貴賤不嫌同。號美惡不嫌同。辭左氏舍族

之例或厭以尊君或貶以著罪。此傳隱公去即位以明讓莊公去即位以表繼弒文同而義異者甚眾。故不可以一方求之。○為其于偽反註來為同有當丁

浪反故去起品反下同。以別彼列反美。○冬十月伯姬歸於紀。伯姬魯女禮婦人謂

嫁曰歸。反曰來歸。嫁而曰歸明外屬也反曰來歸明從外至反謂為夫家所遣從人者也。婦人在家制於父

既嫁制於夫。夫死從長子。婦人不專行必有從也。伯姬歸於紀此其如專行之

辭何也。曰非專行也。吾伯姬歸於紀故志之也。其不言使何也。隱不言使履緌來逆女○長丁

卷一 隱公 三 婦葉山房石印

丈反下註 逆之道微無足道焉爾言君不親迎而丈夫來逆故曰微也既失其伯長同

敬反復 扶又反 ○紀子伯莒子盟於密密莒地○子伯如字 或曰紀子伯莒子而與之

盟紀子以莒子為伯而與之盟伯長也 或曰年同爵同故紀子以伯先也年爵雖同紀子自以為伯而先 ○十有

二月乙卯夫人子氏薨夫人薨例曰夫人曰薨從夫稱○稱尺證反 夫人薨不地夫人無出竟之事薨有常處○處昌

慮反夫人者隱公之妻也卒而不書葬夫人之義從君者也隱弑賊不討故不書葬 ○鄭人伐

衛傳例曰斬樹木壞宮室曰伐伐例時○壞音怪又戶怪反

三年春王二月己巳日有食之杜預曰日行遲一歲一周天月行疾一月一周天一歲凡十二交會然日月動物雖行度有大

量不能不小有盈縮故有雖交會而不食者或有頻交而食者唯正陽之月君子忌之故有伐鼓用幣之事京房易傳曰日者陽之精人君之象驕溢專明為

陰所侵則有日有食之災不救必有篡臣之萌其救也君懷謙虛下賢受諫任德日食之災為消也○日有食之本亦作蝕音同後皆倣此量音亮下遐嫁反

為消于 言日不言朔食晦日也其日有食之何也吐者外壤食者內壤凡所吐偽反

壤在外其所吞咽者壤入於內○壤闕然不見其壤有食之者也今日闕損而不知壤之所

在此必有物食之○有內辭也或外辭也邵曰食者內壤故曰內辭吐者外壤見如字又賢徧反 故曰外辭傳無外辭之文者蓋時無